

Krossvandringa laurdag kveld startar ved Bruhølen,

like ved E 134 -
Austmannlia.

Ved hovud-
vegen vil det
stå merka skilt
til møteplass.
Her kan ein
også parkera
bil.

Vel ein heller å
nytta felles
oppsettet tran-

sport, møter ein ved kyrkja for fri skyss til Bruhølen. Det vert
avgangar samanhengande frå kl 19.00. Ved fuktig vér bør ein
nytta fjellsko eller gummistøvlar.

Regnbukse er også praktisk.

Vandringa vert avslutta med pilegrimsmesse.
Preike v/ Notto R. Thelle. Liturg sp. Nataas.

Program

Fredag 3.juli

- kl 14.30-17.00: Liturgiske mottak av pilegrimar.
- kl 19.30: Pilegrimskonser i kyrkja –
Vinjes Ferdaminne v/ Magne Skjevesland.
Billett kr 100.- v.inngang.
- kl 21.00: Pilegrimssamling på Grendahuset.

Laurdag 4.juli

- kl 08.00: Laudes i kyrkja.
- kl 10.00: Pilegrimsseminar v/ prof.em. Notto R. Thelle
Tema: Grensebrytande vandring -
eit møte med Austens pilegrimsvandring.
- kl 12.00: Bygdevandring. Frammøte ved kyrkja.
- kl 15.00-16.00: Den stille timen (kyrkja).
- kl 16.00-17.00: Bli kjent med midnattsmessa.
- kl 20.00: Krossvandring frå Bruhølen.
- kl 23.00: Pilegrimsmesse m/ nattverd.

Sundag 5.juli

- kl 08.00: Laudes i kyrkja.
- kl 08.45-10.30: Felles frukost på Grendahuset.
Avreise.

*Tilbod om felles måltider laurdag og sundag.
Pilegrimsstemnet er ei ope samling. Det er ikkje
naudsynt med førehandspåmelding.
Overnatting syter kvar einskild for.*

*Krossvandringa laurdag går hovudsakleg i utmark med lett
stigning i byrjinga. Sidan er det nedoverbakke.
Hoveleg skotøy er å tilrå. Staven er god å stø seg til!*

For overnatting i Røldal, gjev heimesida til Røldal skisen-
ter eit godt oversyn: <http://www.roldal.com/>

Ved offentleg transport til Røldal (stoppestad er Brulei-
te), sjå rutetabellen for Haukeliekspressen:
[http://www.haukeliekspressen.no/rutetabeller/
category1104.html](http://www.haukeliekspressen.no/rutetabeller/category1104.html)



<http://www.roldalstavkyrkje.no>

Røldal prestekontor, tlf 53 64 71 40





I kyrkja til Røldal eit bilete hekk so mang ein sæling til frelse, for sjuk og saare til dette gjekk og fingo etter si helse.

(Aa. O. Vinje i "Storegut")

Forteljartradisjonen seier at kvar jonsoknatt sveitta krusifikset i Røldalskyrkja – og sveitjen gav lækjande verknad.

Gjennom fleire hundreår har menneske bore fram sine bøner særleg denne natta – gjeve sine takkegåver.

Nest etter Nidarosdomen var Røldal det fremste pilegrimsmålet i landet. Fleire biskopar etter reformasjonen prøvde å få slutt på jonsoksmessa. Ja, endå til gav påbod om at krusifikset skulle takast ned og brennast! Men pilegrimsstraumen vara ved, lengre enn nokon annan stad i landet. Det var først prosten i Ryfylke som fekk sett ein stoppar for det så seint som i 1835. Og likevel – også etter den tid har vi vitnemål om at menneske har søkt lækjedom i Røldalskyrkja.




Votivgåver frå kyrkja

Ved å føra vidare pilegrimstradisjonen om Røldal, har vi i seinare tid lagt den årlege markeringa til nærmeste helg mot «gammaljonsok» - 7.juli. Dei organiserte vandringane kjem fram fredag 3.juli, og tanken vår er at gjennom desse dagane kan ein få dela av eigne erfaringar, men også at samlinga kan vera ei kjelde til vidare vandring.

Pilegrimsseminaret

I år vil teologiprofessor Notto R. Thelle ved Universitet i Oslo ta oss med inn i Austens pilegrimsverd.



Han seier sjølv:
En pilegrim gir seg på vandring og bryter grenser til nye og kanskje ukjente landskap. For noen utfordres de fysiske grensene – slitne kropper, såre føtter og vonde rygger.

Fellesskapet og samtalene åpner for nye erfaringer. Fremmede steder og andre menneskers tro og livssyn gjør verden større. Tankene modnes i vandrings langsomme rytme. Den ytre pilegrimsveien fører også innover.

Nokre av hans viktigaste livserfaringar ber i seg eit nært møte med Austens religionar. I fleire av sine bøker omtalar han vandringer i grenselandet mellom Aust og Vest der han også hentar fram si pilegrimserfaring.

Kva er det som skjer når vi bryt grenser og ser oss sjølve i ukjent landskap? Pilegrimsvegar som opnar nye horisontar, livserfaringar som tvingar oss til nyorientering og grenseland som utfordrar trua og kallar til å bryta opp.

Var valfarten
jeg gjorde for å komme til meg
selv, å lære at i tider
som disse og for en som meg
vil Gud aldri være enkel og
der ute, men snarere mørk
og uutgrunnelig, som var han her inne?

R.S.Thomas
- walisk diktar, etter besøk ved ruinar av keltisk valfartsmål.

Fleire av Thelle sine bøker er prega av vandring i grenselandet mellom Aust og Vest:

Hjem kan stoppe vinden? (1991)

Ditt ansikt søker jeg (1993)

Hvor høyt må et menneske spørre? (1997)

Kjære Siddhartha (2005)

Gåten Jesus (2009)

Han arbeider no med fire bøker om japanske pilegrimar som også var store diktatar.

Til hausten kjem boka *Hva er da et menneske?* der teologen Thelle i samtale med forfattaren og agnostikaren Karsten Alnæs vandrar gjennom Bibelen sitt landskap og samtalar om Jesu likningar.

Pilegrimskonsert



Magne Skjevesland er skodespelar og songar, og har vore med i ei rekke teateroppsetjingar og filmproduksjonar. I fleire år turnerte han med teatergruppa Stella-Polaris med framføringar både i inn-og utland.

Fra 2007 har han arbeidd med eige prosjekt - Vinje-produksjonar, som produsent, regissør, skodespelar og songar, og står bak fem produksjonar, alle med Aasmund O Vinje sitt liv og diktning som tema.

Den siste konsertforestillinga - **Vinjes Ferdaminne** - har vore spela meir enn 200 gonger i perioden 2010-2012.

Sommaren 1860 gjekk Aasmund Olavsson Vinje (1818-1870) frå Kristiania til Trondheim og attende, og var mellom mykje anna til stades ved kroninga av den svensk-norske kongen Karl den 15. i Nidarosdomen 5.august 1860.

Hendingane frå reisa kom ut i to hefte året etter— Ferdaminne frå sumaren 1860. 10 av dikta i denne boka blir her presenterte med heilt nye melodiar komponert av Skjævesland. Bakrunnen for dikta bli omtala mellom kvar song.